

Date –24/02/2018

Time - 7:30 -7:40Hrs

## REGIONAL NEWS BULLETIN

### HEADLINES (MORNING)

1. MPCC President Pu Lal Thanhawla'n sorkar hnathawk \ha te leh ram hotute remhriatna avangin tun sorkar chu a \ha a ni tih loh theih loha fiahna an neih thu a sawi.
2. Mizoram Pradesh BJP President Pu JV Hluna'n India ramah Tual\o Party-te chu an awngrawp telh telh tawh a, dinchhuahna tura inngahna an nei tawh lo, a ti.
3. Nagaland Assembly inthlan tura campaign theihna hun hmawrtawngah ngawrh taka campaign.
4. Election Commission chuan State 16-a Rajya Sabha seat 58 tan inthlan hun tur a tichhuak.



### CM

MPCC President Pu Lal Thanhawla'n sorkar hnathawk \ha te leh ram hotute remhriatna avangin tun sorkar chu a \ha a ni tih loh theih loha fiahna an nei, a ti.

Pu Lal Thanhawla hian nimin khan Congress Bhavan-a Political Session-ah he thu hi sawiin, sorkar \ha tehna chu anmahni tih nilovin mithiam kalkhawm NITI Ayayog te leh India rama mithiam ten kawng hrang hrang an chhut a\anga an tih a ni, a ti a. Delhi-ah chawlhkar khat zet an cham chhungin mi pawimawh tak tak leh BJP hotute a titipuinaah pawh Mizorama inthlanpui lo awm turah an chak leh ngei an ring fur niin a sawi a, sawrkarna an pa-pek tawp a ni ber, a ti a. Sawrkar \hangchak tehna (GDP) leh State-a GDPS punna khaikhinin Central-ah zaa 7.6 a nih laiin Mizoram chu zaa 9.45 a ni a, sawrkar kumtharah phei chuan Mizoram \hanna tur hi zaa 10 thleng tura beisei a ni, a ti bawk.

Nimin Congress Political Session hi NLUP puala buatsaih a ni a. NLUP chungchang sawitu Pu H. Liansailova chuan NLUP chu

Congress sawrkar leh Chief Minister kaihraina leh hmathlir a\anga lo piang a ni a, Remna leh Muanna thupuiah hmangin a taka chu thupui a hlenchhuah hnuah retheite khaichhuah duhna thinlung avanga he NLUP hi lo piang a ni, a ti. NLUP chu eptu lamte'n sawisel \hinin vote zawna angin puh \hin mah se, retheite hmangaihna avanga he policy hi duan a ni zawk a. Khawvel pawhin a ngai pawimawhin Food Security, Livelihood Security, Forest and Environment Security-te tel vekna programme a ni a. Khawvel pawmpui policy leh scheme \ha a ni a, NLUP hi party dang ten itsikin vote leina ang maia an sawi hi a tak nen chuan inpersan tak a ni, a ti.

<><><>

#### **AIZAWL DISHA MEETING:**

Aizawl District Development Coordination & Monitoring Committee (DISHA) chu nimin khan Secretariat Conference Hall-ah Rajya Sabha MP Pu Ronald Sapa Tlau kaihruiin an \hukhawm.

Pu Ronald Sapa Tlau chuan kalkhawmte chu district tana hmasawna a awm theih nana hnathawktu pawimawh tak tak an nih thu sawiin ram hmasawna tura an chanvo an hriat reng a \ul, a ti a. Khawvel kalphung danglam zelah department hrang hrang \anrual a pawimawh telh telh thu pawh sawiin \hahnemngai taka hmalak a ngai a ni, a ti.

Aizawl DC Pi A. Muthamma-i'n Aizawl District chu Open Defecation Free (ODF)-a puan a nih tawh thu sawiin, Swachh Bharat Kosh a\anga sum dawn hmangin inthiarna siam bakah thuam\hat hna kalpui a ni, a ti a. Sap\awng zirna kawnga hmalaknate a tarlang baw.

Nimin DISHA \hutkhawm hi kumina a vawikhatna a ni a. lhutkhawma tarlan a nih dan chuan - Aizawl District-a MGNREGA kalpuinaah mi Nuai 1 Sang 5 leh 308 hnenah hnathawhna siamsak a ni a, Sakawrdai Zone, Phullen RD Block leh Thingsulthliah Zone-ah ni 48 inhlawhna siam tawh a ni a, a bak zawng Block-ah ni 42 inhlawhna siam a ni tawh baw. Integrated Child Development Scheme (ICDS)-ah Cheng Nuai 3,375 leh Sing 3 dawn a ni a, Aganwadi Centre sak nan te, Health Check-up leh Immunization atan te hman a ni a. Swachh Bharat Mission (Gramin) hna kalpuina Aizawl District huamchhungah inthiarna hmun 5 leh Rural Sanitation Mart hmun 6-ah siam a ni.

PMKSY-WDC/IWMP hnuaiiah project kal lai 18 a awm mek baw a. Watershed area tihzauh hna te, tui dahkhawlna leh ram ngaw siamna hna te thawh a ni. Shyam Prasad Mukherji Rurban Mission (SPMRM)-ah Rurban Cluster Aibaw leh Thingsulthliah RD Block siam a ni a, SPMRM hnuaiiah hnathawhah Cheng Nuai 230 Sing 4 Sang 1 hman a ni tawh a. IAY/PMAY-G hnuaiiah Aizawl District huam chhungah In 34 sak a ni tawh baw.

<><><>

**GENERIC DRUG STORE @ MAMIT:**

Nimin khan Health & Family Welfare Minister Pu Lal Thanzara'n Mamit District Hospital-ah Damdawi Man Tlawm Zawrhna Dawr (Generic Drug Store), Jan Aushadi Drug Store a hawng.

Pu Lal Thanzara chuan generic damdawi hman uarna kawngah doctor-te chu a pawimawh ber an nih thu a sawi a; mipui leh dam loten doctor-ah rinna an nghat nasa a, doctor-te'n an chawh lem loh chuan dam lo tan damdawi hriat leh lei ngaihna a awm lo, a ti a. Doctor-te chu damlo, a bikin mi harsa zawkte dinhmun ngaihtuaha he'ng damdawi man tlawmte hi chawh turin a ngen a. Ram changkangte pawhin generic damdawi an hman nasat thu leh Medical Council of India (MCI) pawhin hemi kawngah hian hma an lak thu a sawi a. Mamit District Hospital, khum 100 aawm theihnaa tihlenna tur project chu NEC-in an pawhtlai leh thu leh sorkarin a bawhzui mek thu a sawi bawk.

Nimina hawn tak nen hian Jan Aushadi Kendra hi Mizoramah 8 a awm ta a. District Hospital zawng zawnga hawng turin ruahmanna kalpui mek a ni.

Jan Aushadi Kendra-a damdawi zawrhate hi damdawi siamtu sawrkar enkawl company-te inzawmkhawm Bureau of Pharma PSUs of India buaipui vek a ni.

<><><>

**BJP:**

Mizoram Pradesh BJP President Pu JV Hluna'n India ramah Tual\o Party-te chu an awngrawp telh telh tawh a, dinchhuahna tura inngahna an nei tawh lo, a ti.

Nimin khan an party BJP Office-a Political Session-ah he thu hi sawiin Pu JV Hluna chuan, BJP National President Amit Shah-a phei chuan kum 2018 inthlan zawhah chuan Tual\o Party chu an ral tawh mai ang, a ti hial tih a sawi a. Mizoram-ah pawh hetiang tur Party hi an awm \euh tawh tih sawiin, Congress President Pu Lal Thanhawla leh MNF President Pu Zoramthanga te chuan an theihna an hmang zo vek tawh a, Mizoram tana thil \ha tih tur pakhat mah hriat an nei tawh lo a ni, a ti bawk.

He hunah hian MLA hlui Pu PP Thawla chuan Saiha District-a an hmalakna sawiin, nikuma MDF leh BJP te inchhunfin chuan rah \ha tak a chhuah mek thu a sawi a. MDC bial 25 awm chu an tlawhchhuah vek tawh thu leh Unit 96 awmah Unit 63 an din a nih tawh thu a sawi a. Pu PP Thawla chuan MADC hi Congress kulhpui \hin a ni a, tunah erawh chuan BJP hi cheng 6 nise, Congress hi cheng 5, MNF chu cheng 3 ang velin mipuiin an hmu tawh a ti.

<><><>

**OLA:**

Nimin khan Finance Minister Pu Lalsawta'n Mizo High School Field, Zarkawt a\angin Ola-a inziaklut taxi engemawzat a vai liam.

Finance Minister Pu Lalsawta chuan duh huna hman theih Ola Cab Aizawl chhung leh Lengpuiah hman theiha a awm ta chu a lawmawm a, Aizawl mipuite tan mel lung pawimawh tak leh chhinchhiah tlak tak a ni, a ti a. Ola cab chu smart city-a Aizawl siam theih nana hmalakna kawng pakhat a ni, a ti a. Ola cab-in a tum chu mipuite veivahna awlsam zawk siamsak te, khawpui chhunga lirtheiin boruak thianglim lo a pek chhuah tih tlem te, lirthei hman man tlawm zawk siam te leh lirthei hmangtute tana veivahna him zawk buatsaihsak a ni, a ti.

<><><>

### **MANN KI BAAT**

Prime Minister Narendra Modi-a'n radio programme Mann Ki Baat kaltilanga mipuite hnena thu a sawi chu naktuk Pathianni khian chawhma dar 11-ah tihchhuah a ni leh dawn a, Mizo lawnga lehlinin a chhonzawm ang a, Pathianni zan vek hian dar 8-ah tihchhuah nawn a ni leh ang.

<><><>

### **CAMPAIGNING FOR ASSEMBLY ELECTIONS IN NAGALAND ENTERS LAST PHASE**

Nagaland Assembly inthlan tura campaign theihna hun hmawrtawngah ngawrh taka campaign chhonzawm mek a ni a. Naktuk Pathianni khi campaign theih hun ni hnuhung ber a ni tawh a, February ni 27, thawhlehi khian vote thlak a ni ang.

All India Radio Kohima leh media dangten Political Broadcast an neih thin avangin state chhung hmun kilkhawr deuha chengte pawhin an hruaitute leh Political party thil tumte an hriat theih phah a ni.

Mokokchung district-ah chuan inthlan chuh tur an tam ber a, candidate 48 an awm a. Mon district-in a dawt a, candidate 41 an awm a ni.

Nagaland Assembly inthlan chuh tur langsar zingah Nagaland Chief Minister TR Zeliang te, NDPP leader leh Lok Sabha MP hlui Neiphui Rio te, Chief Minister hlui KL Chishi leh Chief Secretary hlui Alemtemshi Jamir-te an tel a ni.

Nagaland inthlanah hian rorel lai Naga Peoples' Front (NPF) leh Nationalist Democratic Progressive Party (NDPP) leh BJP tang dun an inkhing ber tura ngaih a ni a. NDPP leh BJP-te hian sawrkar thar siam ngei tumin an seat insemte huifai vek an tum a ni.

Seat 60 awmna Nagaland Assembly inthlan chuh tur hian NPF chuan candidate 58 an vawrchhuak a, BJP-in candidate 10 leh NDPP-in candidate 40 an vawrchhuak a, MP hlui Neiphir Rio chu khingtu an awm loh vangin tlinga puan a nih tawh a ni.

<><><>

## **EC RELEASES SCHEDULE FOR ELECTIONS TO 58 RAJYA SABHA SEATS IN 16 STATES**

Election Commission chuan State 16-a Rajya Sabha seat 58 tan inthlan hun tur a tichhuak.

Heng Rajya Sabha seat luah mektute term hi kumin April leh May thla khian a tawp tawh dawn a ni.

Chung zingah chuan UP atangin seat 10, Maharashtra leh Bihar atangin seat 6 ve ve, West Bengal leh Madhya Pradesh atangin seat 5 ve ve leh Gujarat leh Karnataka atangin seat 4 ve vete a tel a ni.

Inthlan hriattirna hi March ni 5-ah tihchhuah a ni ang a, a tul anih chuan thla thar March ni 23-ah vote thlak a ni ang.

Commission chuan Kerala-a Rajya Sabha seat khatah by-election neih a nih tur thu a puang bawk a, hei hi Veerendra Kumar-a a ban vang a ni.

<><><>